

Cyngor Sir Ynys Môn

Gwasanaeth Trawsnewid Corfforaethol

AD - Datblygu

Sut rydym yn defnyddio'ch gwybodaeth bersonol

Mae gennych hawl i wybod sut yr ydym yn defnyddio gwybodaeth amdanoch chi. Darllenwch y wybodaeth isod os gwelwch yn dda oherwydd mae'n cyfeirio at hawliau ychwanegol y dylech chi fod yn gwybod amdanynt.

Mae'r hysbysiad hwn yn rhoi gwybodaeth i chi am y data sydd gennym amdanoch chi, sut yr ydym yn ei ddefnyddio, eich hawliau mewn perthynas ag ef a'r mesurau diogelu sydd ar waith i'w ddiogelu.

Mae Cyngor Sir Ynys Môn wedi'i gofrestru fel rheolwr data gyda Swyddfa'r Comisiynydd Gwybodaeth. Mae manylion llawn y cofrestriad ar gael yng [nghofrestr yr ICO o reolwyr data](#).

Pwrpas prosesu

Cyngor Sir Ynys Môn yw'r rheolwr data ar gyfer eich gwybodaeth. Mae'r Cyngor yn diogelu eich gwybodaeth ac yn penderfynu sut mae'n cael ei defnyddio. Yr ymadrodd cyfreithiol am ddefnyddio gwybodaeth yw prosesu. Hefyd, yr ymadrodd cyfreithiol am y wybodaeth amdanoch chi yw '*data personol*'.

Bydd y Cyngor yn defnyddio eich gwybodaeth bersonol i drefnu lleoliad profiad gwaith. Dyma'r pwrpas y bwriedir y prosesu ar ei gyfer. Ni chaiff y wybodaeth ei defnyddio at ddibenion nad ydynt yn gydnaws â pham y mae'n cael ei chasglu yn y lle cyntaf.

Sail gyfreithiol prosesu

Mae'r Cyngor yn casglu ac yn defnyddio'ch gwybodaeth bersonol oherwydd bod ganddo ddyletswydd gyfreithiol neu hawl i wneud hynny; neu i gyflawni tasg budd y cyhoedd; neu oherwydd eich bod wedi rhoi eich caniatâd. Y term cyfreithiol ar gyfer hyn yw *sail gyfreithiol ar gyfer prosesu*.

Rhannu'ch Data Personol

Ni fydd y Cyngor yn defnyddio eich gwybodaeth ar gyfer gwneud penderfyniadau neu broffilio awtomataidd. Mae proffilio yn golygu unrhyw fath o brosesu awtomataidd o'ch data personol i werthuso neu ddadansoddi neu ddarogan pethau amdanoch chi. Gallai hyn gynnwys eich sefyllfa economaidd, iechyd, dewisiadau personol, diddordebau neu ymddygiad.

Ni fydd y Cyngor yn trosglwyddo eich gwybodaeth bersonol i wlad arall.

Yn yr achos hwn, mae'r Cyngor yn defnyddio eich gwybodaeth bersonol am eich bod wedi rhoi eich caniatâd penodol i'r prosesu wrth gyflwyno'r cais.

Bydd y Cyngor yn casglu a rhannu gwybodaeth gyda chyrrff cyhoeddus a fydd yn cynnwys peth data personol. Noder y bydd y Cyngor yn casglu ac yn rhannu data gydag Archwilydd Cyffredinol Cymru (AGW) mewn perthynas â'i waith archwilio a'i astudiaethau. Bydd rhannu data hefyd yn digwydd yn unol â'r ddyletswydd yn Adran 33 o Fesur Llywodraeth Leol (Cymru) 2009.

Ni fydd y wybodaeth personol a roddwch yn cael ei rhannu gydag unrhyw sefydliad arall ac eithrio at bwrpas trefnu lleoliad profiad gwaith drwy gysylltu â gwasanaethau eraill o fewn y Cyngor a'r ysgol/coleg. Bydd raid i'r gwasanaethau o fewn y Cyngor a'r ysgol / Coleg gydymffurfio gyda deddfwriaeth diogelu data a gwarchod eich data fel prosesydd data personol.

Cyfnod Cadw

Bydd y wybodaeth y ddarperir gennych yn cael ei chadw am y cyfnod gofynnol neu angenrheidiol a bydd yn cael ei dinistrio'n ddiogel. Caiff y cyfnodau cadw eu nodi yn rhestr y Cyngor o gyfnodau cadw, sef yr amserlen gadw. Am fwy o wybodaeth, cysylltwch os gwelwch yn dda gyda'r Swyddog Diogelu Data.

Eich Hawliau Cyfreithiol

Mae gennych hawliau cyfreithiol, ac mae'n bwysig eich bod chi'n ymwybodol ohonynt.

Mae **gennych hawl i gael cadarnhad bod gwybodaeth amdanoch yn cael ei defnyddio**. Bydd y Cyngor yn darparu cadarnhad os byddwch yn gofyn amdano.

Mae gennych yr hawl i gael copi o'ch data personol. Byddwch yn cael copïau o'ch data personol o fewn y cyfnod statudol o fis (neu os yw darparu'ch data personol yn fater cymhleth, gwneir hyn cyn gynted ag y bo'n rhesymol o fewn 3 mis). Bydd eich data personol yn cael ei ddarparu ar eich cyfer yn rhad ac am ddim, fodd bynnag, os ystyrir bod eich cais yn *amlwg yn ddi-sail* neu'n *ormodol*, codir ffi resymol. Gallwch ofyn am eich data personol trwy gysylltu â Swyddog Diogelu Data y Cyngor.

Mae gennych hawl i gael cywiro unrhyw wybodaeth amdanoch. Gelwir hyn yn hawl cywiro. Mae gennych yr hawl i ofyn i'ch data personol gael ei gywiro os yw'n anghywir neu'n anghyflawn. Gwneir hyn o fewn 1 mis, neu os yw eich cais yn un cymhleth, o fewn 3 mis.

Yr hawl i gael dileu data personol. Mae gennych hawl i gael dileu eich data personol mewn amgylchiadau penodol:

- Lle nad yw'r data personol bellach yn angenrheidiol mewn perthynas â'r pwrpas y cafodd ei gasglu / ei brosesu yn wreiddiol;
- Os byddwch yn tynnu'ch caniatâd yn ôl;
- Pan fyddwch chi'n gwrthwynebu i'r Cyngor brosesu'r data ac nad oes unrhyw ddiddordeb cyfreithlon hollbwysig dros barhau â'r prosesu;
- Os yw'r data personol wedi'i brosesu'n anghyfreithlon;
- Pan mae'r data personol yn gorfod cael ei ddileu er mwyn cydymffurfio â rhwymedigaeth gyfreithiol; neu
- Pan fydd y data personol yn cael ei brosesu mewn perthynas â chynnig *gwasanaethau cymdeithas wybodaeth* i blentyn, er enghraifft, "app" a ddatblygwyd yn benodol ar gyfer plant.

Yr hawl i gyfyngu prosesu. Pan honnir bod y data'n *anghywir* neu os gweithredwyd yr *hawl i gael gwared arno*, fe allwch chi ofyn i'r Cyngor gyfyngu ar brosesu nes bod y gwiriadau dilysu wedi cael eu cwblhau.

Yr hawl i wrthwynebu. Yn ogystal â'r hawl i wrthwynebu i'ch gwybodaeth gael ei defnyddio ar gyfer marchnata uniongyrchol, mae gennych yr hawl i wrthwynebu prosesu yn seiliedig ar gyflawni tasg er budd y choedd / ymarfer awdurdod swyddogol (gan gynnwys proffilio), a phrosesu at ddibenion ymchwil wyddonol / hanesyddol ac ystadegau.

Yr hawl i dynnu'ch caniatâd yn ôl ar unrhyw adeg. Golyga hyn, os yw'r Cyngor yn defnyddio eich caniatâd i brosesu eich data personol, gallwch ei dynnu'n ôl. Nid yw hyn yn newid cyfreithlondeb y prosesu sy'n digwydd cyn i chi dynnu eich caniatâd yn ôl.

Hawliau mewn perthynas â gwneud penderfyniadau awtomataidd. Mae gennych yr hawl i beidio â bod yn destun penderfyniadau sy'n seiliedig ar brosesu awtomataidd yn unig, gan gynnwys proffilio, sy'n cynhyrchu effeithiau cyfreithiol arnoch chi neu'n effeithio arnoch chi mewn ffordd arwyddocaol.

Sut i gysylltu â ni

Cysylltwch â'n Swyddog Diogelu Data trwy e-bost, trwy anfon llythyr drwy'r post neu ffonio os oes gennych unrhyw ymholiadau am y polisi preifatrwydd hwn neu'r wybodaeth sydd gennym amdanoch chi. Gellir cysylltu â Swyddog Diogelu Data (DPO) y Cyngor trwy e-bost: DPO@ynysmon.gov.uk neu SDD@ynysmon.gov.uk Gyda gobaith, bydd ein DPO yn datrys unrhyw ymholiad neu bryder a fydd gennych am y modd yr ydym yn defnyddio eich gwybodaeth bersonol. Mae'r Rheoliad Gwarchod Data Cyffredinol hefyd yn rhoi'r hawl i chi gyflwyno cwyn i awdurdod goruchwyliol lle rydych chi'n gweithio, yn byw fel arfer neu os digwydd unrhyw achos honedig o dorri cyfreithiau diogelu data. Yr awdurdod goruchwyliol yn y DU yw'r Comisiynydd Gwybodaeth sydd ar gael yn <https://ico.org.uk/concerns>

Swyddfa'r Comisiynydd Gwybodaeth,

Wycliffe House

Water Lane

Wilmslow

Sir Gaer SK9 5AF

E-bost: casework@ico.gsi.gov.uk

Ffôn: 0303 123 1113.

Cyhoeddwyd yr Hysbysiad Preifatrwydd hwn ar 1 Mai 2018.

Fersiwn 1

Dyddiad Mai 2018